

BUDŽET ZA GRAĐANE

institucija Bosne i Hercegovine
i međunarodnih obaveza Bosne i Hercegovine

BUDŽET ZA GRAĐANE

Nadležnosti institucija
Pravni okvir
Budžetski kalendar i budžetski proces
Makroekonomske projekcije i predviđanja

RASHODI

Rashodi po COFOG klasifikaciji
Institucije Bosne i Hercegovine i
iznos njihovog budžeta
Najveći korisnici budžeta

**PITANJA,
KOMENTARI
I SUGESTIJE**

2025

PRIHODI






**BUDŽETSKI
RJEČNIK**





BUDŽET ZA GRAĐANE

institucija Bosne i Hercegovine
i međunarodnih obaveza Bosne i Hercegovine



BOSNA I HERCEGOVINA
MINISTARSTVO FINANCIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

BOSNIA AND HERZEGOVINA
MINISTRY OF FINANCE
AND TREASURY



Izdavač:

Ministarstvo finansija i trezora Bosne i Hercegovine

Za izdavača:

Ministarstvo finansija i trezora Bosne i Hercegovine

Dizajn i kompjuterska priprema:

Grafički studio „Lik” Banja Luka

Štampa:

GRAFID d.o.o. Banja Luka

Za štampariju:

Branislav Ivanković



BUDŽET ZA GRAĐANE

SADRŽAJ

Uvodna riječ ministra	5
Budžet za građane	6
Nadležnosti institucija Bosne i Hercegovine	8
Pravni okvir	8
Budžetski kalendar i budžetski proces	9
Makroekonomske projekcije i predviđanja	10
Prihodi	12
Rashodi	14
Rashodi po COFOG klasifikaciji	15
Institucije Bosne i Hercegovine i iznos njihovog budžeta za 2025. godinu	16
Najveći korisnici budžeta	22
Budžetski rječnik	32
Pitanja, komentari i sugestije	33



UVODNA RIJEČ MINISTRA

Poštovani građani i građanke,

Ministarstvo finansija i trezora BiH nastavlja aktivnosti u cilju unaprjeđenja budžetske transparentnosti koja uključuje pripremu i objavu budžeta za građane. U skladu sa navedenim, pripremljena je publikacija „Budžet za građane institucija BiH i međunarodnih obaveza BiH za 2025. godinu“, kao ilustrovani vodič koji na jasan i jednostavan način prikazuje kako se prikupljaju i troše sredstva iz Budžeta institucija BiH i međunarodnih obaveza BiH.

Želja nam je da nastavkom ove aktivnosti postanemo još otvoreniji i odgovorniji prema građanima po pitanju planiranja, upravljanja i korištenja finansijskih sredstava institucija BiH.

Svrha ovog dokumenta je da javnosti omogući bolji uvid i razumijevanje načina na koji institucije na državnom nivou planiraju, raspoređuju i troše javna sredstva iz budžeta. Imajući u vidu da novac koji dolazi u budžet potiče od poreznih obveznika, naša je obaveza da njime raspoložemo u najboljem interesu svih građana Bosne i Hercegovine te da predstavimo jasne i razumljive podatke o izvorima prikupljenih sredstava i njihovom trošenju.

Dokument je namijenjen svim osobama koje žele biti informisane o planovima pojedinih institucija BiH, kao i svima onima koji žele pratiti trošenje sredstava pri realizaciji postavljenih ciljeva.

Budžet za građane za 2025. godinu uključuje skraćeni osvrt na budžete još četiri institucije BiH (u prethodnim publikacijama bili su uključeni budžeti drugih institucija), sa ciljem dodatnog upoznavanja javnosti sa nadležnostima institucija BiH.

Iskreno se nadam da će ovaj dokument pružiti odgovore na ključna pitanja u vezi sa Budžetom institucija BiH i međunarodnih obaveza BiH, ali i potaknuti što veći broj aktera da iznesu svoja mišljenja i sugestije koje će biti osnova za pripremu Budžeta za građane u narednom periodu.

Otvoreni smo za značajnije učesće građana/grāđanki u budžetskom procesu u pripremi budućih dokumenata „Budžet za građane“ i pored ustavnih ograničenja u strukturi budžeta institucija BiH. Želimo kreirati pristupačniji i razumljiviji budžet, jer je i to jedna od polaznih pretpostavki unaprjeđenja upravljanja javnim finansijama.

Radujemo se saradnji u narednom periodu.


Srdačan pozdrav,

MINISTAR

Dr Srđan Amidžić



BUDŽET ZA v GRADANE



Novac kojim raspolažu institucije vlasti na svim nivoima u svojim **budžetima** je novac građana. Prihodi vlasti dolaze od građana kroz poreze i plaćanje raznih taksi i naknada. Pored ovoga, prihodi dolaze od **koncesija** za iskorištavanje resursa koji su dio zajedničke baštine pa pripadaju svim građanima. Čak i kada prihodi dolaze od kredita, građani su ti koji će ih morati otplatiti na kraju. Institucije vlasti su odgovorne za sredstva u okviru budžeta te odlučuju u ime građana o raspodjeli prikupljenih sredstava za različite namjene.

Imajući u vidu da je budžet i odraz **javnih politika**, jasno je zbog čega u zemljama s razvijenom demokratskom kulturom postoji značajan interes javnosti za brojna pitanja koja se tiču budžeta. Građani žele znati i odlučivati o tome kako će se trošiti njihov novac. Pri tom je osnovni preduvjet za sudjelovanje građana u procesu odlučivanja o budžetu njihova informiranost. U skladu s tim, zadatak organa vlasti je da osigura javnost rada i pruži informacije o svim bitnim pitanjima u procesu kreiranja, usvajanja i izvršavanja budžeta.

Budžet za građane je dokument koji sažima i pojašnjava osnovne informacije iz budžeta. To je izvještaj, predstavljen u pristupačnom formatu, koji koristi jednostavan i jasan jezik koji građani mogu razumjeti. Ako su u stanju razumjeti, građani onda mogu ostvarivati svoja građanska prava u demokratiji – oni mogu postavljati pitanja koja osiguravaju da vlast objašnjava ono što radi u njihovo ime.



Budžet

akt kojim se predviđaju svi prihodi i rashodi u jednoj godini.

Koncesija

dozvola vlasti koja se daje pravnim ili fizičkim licima za obavljanje određene djelatnosti po unaprijed utvrđenim uvjetima.

Javna politika

plan ili smjer djelovanja institucija vlasti.

Budžet za građane

pojednostavljen i ilustriran prikaz određenih dijelova zvaničnog Budžeta.

Nadležnosti institucija Bosne i Hercegovine

Prema Članu III **Ustava** Bosne i Hercegovine, sljedeći poslovi su u nadležnosti institucija Bosne i Hercegovine:

- a) Vanjska politika,
- b) Vanjskotrgovinska politika,
- c) Carinska politika,
- d) Monetarna politika,
- e) Finansiranje institucija i međunarodnih obaveza Bosne i Hercegovine,
- f) Politika i reguliranje pitanja useljavanja, izbjeglica i azila,
- g) Provođenje međunarodnih i međuentitetskih kaznenopravnih propisa, uključujući i odnose s Interpolom,
- h) Uspostava i funkcioniranje zajedničkih i međunarodnih komunikacijskih sredstava,
- i) Reguliranje međuentitetskog transporta,
- j) Kontrola zračnog saobraćaja.

Ustavom je, u istom članu, predviđeno da sve vladine funkcije i ovlaštenja koje nisu Ustavom izričito dodijeljene institucijama Bosne i Hercegovine pripadaju entitetima. Istovremeno, Bosna i Hercegovina može preuzeti nadležnost u onim stvarima u kojima se o tome postigne saglasnost entiteta; stvarima koje su predviđene u Aneksima 5-8. Općeg okvirnog sporazuma; ili koje su potrebne za očuvanje suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine, u skladu sa podjelom nadležnosti među institucijama Bosne i Hercegovine. Za obavljanje ovih nadležnosti, prema potrebi mogu biti uspostavljene dodatne institucije.

Trenutno, u Bosni i Hercegovini postoji 75 budžetskih korisnika odnosno različitih institucija (ministarstava, agencija, regulatornih tijela, pravosudnih institucija i slično) koje su direktni korisnici Budžeta institucija Bosne i Hercegovine i međunarodnih obaveza Bosne i Hercegovine.

Pravni okvir

Zakon o finansiranju institucija Bosne i Hercegovine je zakon kojim se uređuje priprema, donošenje, izvršenje, računovodstvo, izvještavanje i nadzor Budžeta Bosne i Hercegovine. Prema ovom zakonu, Budžet predstavlja akt Parlamentarne skupštine Bosne i Hercegovine kojim se utvrđuje plan finansijskih aktivnosti budžetskih korisnika, koji obuhvata projekciju iznosa prihoda i utvrđenog iznosa rashoda za period od jedne fiskalne godine. Ovim budžetom također je utvrđena gornja granica cjelokupnog duga Bosne i Hercegovine, uključujući i postojeći dug i projekciju novog duga za datu fiskalnu godinu. Također su definirani i budžetski korisnici, a to su sve institucije Bosne i Hercegovine i svi ostali organi koji se finansiraju iz budžeta, kao i regulatorna tijela.

Ministarstvo finansija i trezora Bosne i Hercegovine je nadležno za pripremu budžeta, izvršenje budžeta i finansiranje budžetskih institucija, koordinaciju aktivnosti kako bi se osigurala budžetska sredstva i investicije javnih sredstava te obavlja ostale aktivnosti u oblasti finansiranja budžetskih korisnika u skladu sa Ustavom i zakonom.



Ustav

osnovni pravni akt neke države kojim se uspostavlja politički i pravni poredak.

Budžetski korisnik


institucije i svi ostali organi koji se finansiraju iz budžeta.

Budžetski kalendar i budžetski proces

Budžetski kalendar je propisan Zakonom o finansiranju institucija Bosne i Hercegovine i njime se definiraju aktivnosti koje su bitne u vezi s pripremom i donošenjem Budžeta. Tako je definirana vremenska dinamika i odgovornost pojedinačnih institucija u vezi s pripremom donošenja zvaničnog Budžeta.

Budžetski proces se zasniva na propisanim aktivnostima svih učesnika u procesu pripreme i usvajanja Budžeta institucija Bosne i Hercegovine i međunarodnih obaveza Bosne i Hercegovine, te izvršenja, izvještavanja i kontrole.

Budžetski proces započinje u januaru kada Ministarstvo finansija i trezora do 31. u mjesecu svim budžetskim korisnicima dostavlja budžetsku instrukciju s budžetskim kalendarom za pripremu **Dokumenta okvirnog budžeta (DOB)**.



Budžetski proces

proces koji obuhvata pripremu i usvajanje budžeta, njegovo izvršavanje, izvještavanje i kontrolu.

Dokument okvirnog budžeta (DOB)

projekcija trogodišnjih prihoda i rashoda odnosno srednjoročna projekcija budžeta.



Makro-ekonomski pokazatelji za period 2022.-2027. godina

U sljedećoj tabeli date su procjena i projekcije makroekonomskih pokazatelja BiH za period od 2022. do 2027. godine, koje je u septembru 2024. godine pripremila Direkcija za ekonomsko planiranje Vijeća ministara Bosne i Hercegovine.

Veoma važnu odrednicu za ekonomska kretanja u Bosni i Hercegovini u periodu od 2025. do 2027. godine, pored internih dinamika predstavljaju i ekonomska kretanja u vanjskom okruženju, naročito u zemljama EU27. Naime, posljednjih nekoliko godina svjetsku ekonomiju, a samim tim i ekonomska kretanja u Bosni i Hercegovina, obilježili su veliki izazovi, kao što su globalna pandemija, sukobi u Ukrajini i dr. Negativne ekonomske posljedice

INDIKATORI	ZVANIČNI PODACI		PROJEKCIJE			
	2022	2023	2024	2025	2026	2027
Nominalni BDP u mil. KM	45.594	50.932	53.519	56.266	59.264	62.367
Nominalni rast u %	13,6	11,7	5,1	5,1	5,3	5,2
BDP deflator (prethodna godina = 100)	109,5	109,6	102,7	102,2	102,1	101,9
Realni BDP u mil. KM (prethodna godina = 100)	41.630	46.458	52.137	55.038	58.017	61.202
Realni rast u %	3,7	1,9	2,4	2,8	3,1	3,3
Inflacija mjerena indeksom potrošačkih cijena u %	14,0	6,1	2,0	1,9	1,8	1,7
Potrošnja u mil. KM	39.284	43.658	45.749	47.483	49.306	51.193
Realni rast u %	1,8	1,3	2,5	1,7	1,8	1,9
Vladina potrošnja u mil. KM	8.513	9.548	10.044	10.396	10.760	11.115
Realni rast u %	1,3	2,1	2,6	1,5	1,7	1,4
Privatna potrošnja u mil. KM	30.771	34.111	35.705	37.087	38.547	40.078
Realni rast u %	1,9	1,1	2,4	1,8	1,9	2,0
Investicije (bruto) u stalna sredstva u mil. KM	10.081	11.519	12.314	13.038	13.905	14.815
Realni rast u %	0,3	12,1	5,1	4,0	5,2	5,1
Vladine investicije u mil. KM	1.356	1.487	1.681	1.798	1.969	2.127
Realni rast u %	-5,0	7,6	9,7	3,9	7,2	5,8
Privatne investicije u mil. KM	8.725	10.031	10.633	11.239	11.936	12.688
Realni rast u %	1,2	12,8	4,4	4,0	4,8	4,9
Uvoz u mil. KM	28.237	27.798	28.761	30.052	31.739	33.637
Nominalni rast u %	33,8	-1,6	3,5	4,5	5,6	6,0
Realni rast u %	6,2	-1,3	2,5	3,0	4,0	3,8
Izvoz u mil. KM	22.037	21.931	22.270	23.676	25.499	27.631
Nominalni rast u %	31,5	-0,5	1,5	6,3	7,7	8,4
Realni rast u %	11,8	-1,2	-0,3	4,3	5,3	5,8
Nacionalna bruto štednja u % BDP-a	23,2	23,8	23,6	24,3	25,0	25,8
Bilans tekućeg računa u mil. KM	-1.978	-1.376	-1.651	-1.511	-1.372	-1.120
Rast u %	184,7	-30,4	20,0	-8,5	-9,2	-18,4
Bilans tekućeg računa u % BDP-a	-4,3	-2,7	-3,1	-2,7	-2,3	-1,8

ovih dešavanja na svjetsku ekonomiju su već vidljive i manifestuju se kroz trgovinske, finansijske, cjenovne i druge šokove koje nisu zaobilazili ni Bosnu i Hercegovinu. Naime, raniji izvještaji su pokazali da vanjsko okruženje (EU i zemlje regiona) predstavlja veoma važnu strukturalnu odrednicu svih ekonomskih kretanja u Bosni i Hercegovini. Referentne međunarodne institucije u svijetu, kao što su Međunarodni monetarni fond (MMF), Svjetska banka i Evropska komisija, u određenim publikacijama ukazuju na to da će najnovija međunarodna događanja imati negativne ekonomske posljedice po svjetsku ekonomiju. Stoga vrijedi istaći da se Direkcija za ekonomsko planiranje BiH prilikom pripreme ovog izvještaja, u okviru projektovanja ekonomskih kretanja u međunarodnom ekonomskom okruženju, koristila trenutno dostupnim izdanjem European Economic Forecast Spring 2024 (*Institutional Paper 286, May*).¹

DG ECFIN² je tako u skladu sa najnovijim ekonomskim kretanjima u svijetu značajno revidirao projekciju ekonomskog rasta za zemlje EU koja iznosi 1,6% u 2025. godini, dok projekcija inflacije iznosi 2,2%. Imajući u vidu da eksterne dinamike predstavljaju veoma važnu strukturalnu odrednicu svih ekonomskih kretanja u Bosni i Hercegovini, vrijedi istaći da će najnovija dešavanja imati odlučujuću ulogu za izgled ekonomskog rasta u zemlji u narednom periodu. Osim eksternih dinamika, jako bitan faktor za ekonomski rast u zemlji tokom programskog perioda 2025-2027. godina, predstavljajuće i institucionalni kapacitet zemlje u provedbi strukturalnih reformi, kako bi se ojačao doprinos internih dinamika u kreiranju istog. Daljnje usložnjavanje, kako eksternih tako i internih dinamika, bi imalo veoma negativne posljedice po bosanskohercegovačku ekonomiju i smanjilo njen potencijalni rast. Imajući u vidu navedene, kako eksterne tako i interne okolnosti, prema projekcijama Direkcije za ekonomsko planiranje Vijeća ministara BiH u osnovnom scenariju za period 2025-2027. godina, u Bosni i Hercegovini se može očekivati ekonomski rast sa prosječnom stopom od oko 3% na godišnjem nivou (2025: 2,8%, 2026. 3,1% i u 2027. godini 3,3%).

1 European Commission, "DG ECFIN, „European Economic Forecast“ Spring 2024 (Institutional Paper 286) May 2024.

2 The Directorate General for Economic and Financial Affairs - Generalni direktorat Evropske komisije za ekonomske i finansijske poslove

Nominalni BDP

predstavlja zbir količina proizvedenih finalnih dobara (roba i usluga) od strane rezidentnih jedinica u zemlji tokom određenog perioda pomnožen s njihovim tekućim cijenama.

Realni BDP

predstavlja zbir količina finalnih dobara u stalnim (umjesto tekućim) cijenama te ukazuje na količinu proizvedenih proizvoda i usluga.

Makroekonomija

oblast ekonomskih nauka koje se bavi ukupnom privredom neke oblasti (zemlje), proučavajući međusobne odnose ukupne (agregatne) proizvodnje, prihoda, zaposlenosti, cijena i drugih varijabli.

Ekonomski rast

podrazumijeva ukupan porast proizvodnje, proizvodnih kapaciteta i svih drugih dijelova jedne privrede, odnosno predstavlja rast ukupnog outputa jedne privrede uslijed rasta radne snage, kapitalnih dobara te unapređenja tehnologije i produktivnosti.

Bruto domaći proizvod (BDP)

makroekonomski indikator koji pokazuje vrijednost finalnih dobara i usluga proizvedenih u zemlji tokom godine, izraženo u novčanim jedinicama.

Inflacija

predstavlja povećanje općeg nivoa cijena u odnosu na vrijednost novca.

Vladina/javna potrošnja

(Izdaci za krajnju potrošnju vlade) – Sektor vlade se sastoji od svih institucionalnih jedinica koje, uz ispunjavanje njihovih političkih obaveza i uloge ekonomskog reguliranja, u načelu proizvode netržišne usluge (moguće i robe) za individualnu ili kolektivnu potrošnju te redistribuiraju dohodak i bogatstvo. Izdaci za krajnju potrošnju vlade uključuju dvije kategorije izdataka:

- Netržišni output; osim investicija za vlastiti račun; koji se mjeri troškovima proizvodnje, umanjen za povremenu prodaju.
- Vladine nabavke roba i usluga od tržišnih proizvođača, koje se bez bilo kakvog transformiranja plasiraju domaćinstvima, kao socijalni transfer u „naturi“.

Vanjskotrgovinska razmjena

predstavlja sveukupnu razmjenu roba i usluga jedne zemlje s inostranstvom (uvoz i izvoz roba i usluga).

Prihodi, primici i finansiranje

Prihodi budžeta institucija BiH planirani su na osnovi Globalnog okvira fiskalnog bilansa i politika u Bosni i Hercegovini za period 2025-2027. godina, u ukupnom iznosu od 1.570.500.000 KM..

Osnovni prihod u okviru Budžeta institucija Bosne i Hercegovine i međunarodnih obaveza Bosne i Hercegovine za 2025. godinu odnosi se na porezni prihod odnosno prihode s Jedinstvenog računa Uprave za indirektno oporezivanje Bosne i Hercegovine (1.020.500.000 KM).

Ostali prihodi i podrška za finansiranje institucija Bosne i Hercegovine odnose se na neporezne prihode (426.780.000 KM), tekuće podrške iz inostranstva (1.799.000 KM) te transfere od drugih nivoa vlasti (757.000 KM).

Finansiranje obuhvata preneseni višak sredstava iz prethodnih godina (104.115.000 KM) te preneseni višak sredstava iz 2024. godine, u skladu sa članom 9. Zakona o budžetu institucija Bosne i Hercegovine i međunarodnih obaveza Bosne i Hercegovine (15.100.000 KM).

Primici obuhvataju primitke od sukcesije (716.000 KM) i primitke od prodaje stalnih sredstava (733.000 KM).

Na kraju, potrebno je dodati da prihodi Budžeta institucija Bosne i Hercegovine i međunarodnih obaveza Bosne i Hercegovine uključuju i prihode za servisiranje vanjskog duga u iznosu od 1.226.773.016 KM, a odnose se na izmirenje obaveza institucija Bosne i Hercegovine, entiteta i Brčko distrikta.

Stalna imovina

dio imovine koji će ostati nepromijenjen, tj. zadržati isti pojavni oblik, u vremenskom roku dužem od godinu dana i se neće utrošiti u jednom normalnom proizvodnom ciklusu (npr. zemlja, zgrade, strojevi itd.). Nabavlja se s namjerom da se koristi u vlastitom poslovanju, a ne za daljnju preprodaju.

Transferi od drugih nivoa vlasti

novčana sredstva koja viši ili niži nivoi vlasti doznavaču u budžet s ciljem realizacije pojedinih programa i/ili funkcija.




2.678.058.016

UKUPNI PRIHODI, FINANSIRANJE I
PRIMICI ZA FINANSIRANJE INSTITUCIJA
BiH I PRIHODI ZA SERVISIRANJE
MEĐUNARODNIH OBAVEZA BiH




120.664.000 KM

OSTALO
FINANSIRANJE I PRIMICI



1.449.836.000 KM


PRIHODI I PODRŠKE ZA
FINANSIRANJE INSTITUCIJA
BOSNE I HERCEGOVINE



1.226.773.016 KM

PRIHODI ZA
FINANSIRANJE VANJSKOG
DUGA BOSNE I HERCEGOVINE

Preneseni višak sredstava iz prethodnih godina u iznosu 104.115.000 KM i preneseni višak sredstava iz 2024. godine u skladu sa članom 9. Zakona o budžetu institucija BiH i međunarodnih obaveza BiH za 2025. godinu u iznosu **15.100.000 KM**



Primici od prodaje stalnih sredstava **733.000 KM**




Primici od sukcesija **716.000 KM**



Porezni prihodi **1.020.500.000 KM**

Neporezni prihodi **426.780.000 KM**



Tekuće podrške iz inostranstva **1.799.000 KM**



Transferi od drugih nivoa vlasti **757.000 KM**

Federacija BiH **803.765.866 KM**

Republika Srpska **403.767.823 KM**

Distrikt Brčko **14.117.397 KM**

Institucije BiH **5.121.930 KM**



Neporezni prihodi **426.780.000 KM**

Prihodi od administrativnih taksi **16.773.000**

Prihodi od sudskih taksi **453.000**

Prihodi od posebnih naknada i taksi **65.977.000**

Prihodi od taksi u postupku indirektnog oporezivanja **32.184.000**

Prihodi od ličnih i putnih dokumenata i registracije vozila u Bosni i Hercegovini **43.583.000**

Prihodi od finansijskih javnih institucija - Centralne banke Bosne i Hercegovine **244.000.000**

Prihodi od imovine **350.000**

Prihodi od kamata i kursnih razlika **4.000.000**

Prihodi od novčanih kazni **7.345.000**

Vlastiti prihodi **7.625.000**

Ostali prihodi **4.490.000**



RASHODI

**Rashodi po COFOG klasifikaciji
Institucije Bosne i Hercegovine i
iznos njihovog budžeta za 2025. godinu
Najveći korisnici budžeta**



COFOG klasifikacija

Klasifikaciju vladinih funkcija (COFOG – Classification of the Functions of the Government) objavilo je Odjeljenje za statistiku Ujedinjenih naroda i odnosi se na sredstva iz budžeta razvrstana po namjeni za koju se troše.





1. OPĆE JAVNE USLUGE

2. ODBRANA

3. JAVNI RED I SIGURNOST

4. EKONOMSKI POSLOVI

5. ZAŠTITA ŽIVOTNE SREDINE


6. ZDRAVSTVO

7. REKREACIJA, KULTURA, RELIGIJA

8. OBRAZOVANJE

9. SOCIJALNA ZAŠTITA

Opće javne usluge **1.854.507.016 KM**



Parlamentarna skupština Bosne i Hercegovine	25.400.000
Predsjedništvo Bosne i Hercegovine	11.805.000
Generalni sekretarijat Vijeća ministara Bosne i Hercegovine	7.656.000
Direkcija za evropske integracije Bosne i Hercegovine	6.402.000
Ministarstvo vanjskih poslova Bosne i Hercegovine	68.870.000
Ministarstvo komunikacija i prometa Bosne i Hercegovine	8.036.000
Ministarstvo finansija i trezora Bosne i Hercegovine	17.995.000
Uprava za indirektno oporezivanje Bosne i Hercegovine	161.992.000
Ministarstvo pravde Bosne i Hercegovine	3.928.000
Ministarstvo sigurnosti Bosne i Hercegovine	111.000
Ministarstvo civilnih poslova Bosne i Hercegovine	9.796.000
Agencija za identifikacione dokumente, evidenciju i razmjenu podataka Bosne i Hercegovine	34.975.000
Služba za zajedničke poslove institucija Bosne i Hercegovine	26.687.000
Ured za reviziju institucija Bosne i Hercegovine	6.714.000
Centralna izborna komisija Bosne i Hercegovine	123.905.000
Agencija za državnu službu Bosne i Hercegovine	2.545.000
Agencija za statistiku Bosne i Hercegovine	7.219.000
Arhiv Bosne i Hercegovine	1.049.000
Fond za povratak Bosne i Hercegovine	616.000
Odbor državne službe za žalbe Bosne i Hercegovine	651.000
Ured za zakonodavstvo Bosne i Hercegovine	1.215.000
Agencija za javne nabavke Bosne i Hercegovine	1.743.000
Ured za razmatranje žalbi Bosne i Hercegovine	3.233.000
Institut za nestala lica Bosne i Hercegovine	3.654.000
Direkcija za ekonomsko planiranje Bosne i Hercegovine	1.480.000
Ured koordinatora za reformu javne uprave Bosne i Hercegovine	2.078.000
Agencija za zaštitu ličnih podataka u Bosni i Hercegovini	1.929.000
Centralna harmonizacijska jedinica Ministarstva finansija i trezora Bosne i Hercegovine	870.000
Agencija za prevenciju korupcije i koordinaciju borbe protiv korupcije Bosne i Hercegovine	2.214.000
Direktni transferi i rezerviranje	82.966.000
Servisiranje vanjskog duga	1.226.773.016

Odbrana **402.369.000 KM**



Ministarstvo odbrane Bosne i Hercegovine

402.369.000

Javni red i sigurnost **408.907.000 KM**



Visoko sudsko i tužilačko vijeće Bosne i Hercegovine

12.154.000

Ustavni sud Bosne i Hercegovine

10.911.000

Sud Bosne i Hercegovine

25.180.000

Tužilaštvo Bosne i Hercegovine

22.388.000

Pravobranilaštvo Bosne i Hercegovine

1.646.000

Institucija ombudsmena za ljudska prava Bosne i Hercegovine

3.851.000

Zavod za izvršenje krivičnih sankcija, pritvora i drugih mjera Bosne i Hercegovine

16.994.000

Ministarstvo pravde Bosne i Hercegovine

7.975.000

Ministarstvo sigurnosti Bosne i Hercegovine

10.991.000

Državna agencija za istrage i zaštitu

43.591.000

Granična policija Bosne i Hercegovine

116.562.000

Obavještajno sigurnosna agencija Bosne i Hercegovine

56.911.000

Služba za poslove sa strancima Bosne i Hercegovine

21.251.000

Agencija za policijsku podršku Bosne i Hercegovine

2.165.000

Agencija za forenzička ispitivanja i vještačenja Bosne i Hercegovine

2.196.000


Agencija za školovanje i stručno usavršavanje kadrova Bosne i Hercegovine

4.356.000

Direkcija za koordinaciju policijskih tijela Bosne i Hercegovine


49.785.000

Ekonomski poslovi **74.407.000 KM**



Ministarstvo vanjske trgovine i ekonomskih odnosa Bosne i Hercegovine	13.354.000
Agencija za promociju inostranih ulaganja u Bosni i Hercegovini	1.844.000
Ured za veterinarstvo Bosne i Hercegovine	6.814.000
Konkurencijsko vijeće Bosne i Hercegovine	1.917.000
Ministarstvo komunikacija i prometa Bosne i Hercegovine	12.836.000
Direkcija za civilno zrakoplovstvo Bosne i Hercegovine	6.615.000
Regulatorna agencija za komunikacije Bosne i Hercegovine	8.516.000
Institut za standardizaciju Bosne i Hercegovine	2.042.000
Institut za mjeriteljstvo Bosne i Hercegovine	3.904.000
Institut za intelektualno vlasništvo Bosne i Hercegovine	2.463.000
Institut za akreditiranje Bosne i Hercegovine	1.791.000
Uprava Bosne i Hercegovine za zaštitu zdravlja bilja	1.842.000
Agencija za nadzor nad tržištem Bosne i Hercegovine	1.359.000
Agencija za sigurnost hrane Bosne i Hercegovine	2.319.000
Agencija za rad i zapošljavanje Bosne i Hercegovine	1.667.000
Ured za harmonizaciju i koordinaciju sistema plaćanja u poljoprivredi, ishrani i ruralnom razvoju Bosne i Hercegovine	800.000
Komisija za koncesije Bosne i Hercegovine	1.390.000
Agencija za osiguranje u Bosni i Hercegovini	758.000
Institucija ombudsmana za zaštitu potrošača u Bosni i Hercegovini	571.000
Agencija za poštanski promet Bosne i Hercegovine	990.000
Vijeće za državnu pomoć Bosne i Hercegovine	615.000

Zaštita životne sredine **9.964.000 KM**



Centar za uklanjanje mina u Bosni i Hercegovini	8.504.000
Državna regulatorna agencija za radijacijsku i nuklearnu sigurnost u Bosni i Hercegovini	1.460.000

Zdravstvo **9.258.000 KM**



Agencija za lijekove i medicinska sredstva Bosne i Hercegovine

9.258.000

Rekreacija, kultura i religija **14.204.000 KM**



Memorijalni centar Srebrenica - Potočari Spomen obilježje i mezarje za žrtve genocida iz 1995.godine

1.514.000

Regulatorna agencija za komunikacije Bosne i Hercegovine

4.791.000

Ministarstvo civilnih poslova Bosne i Hercegovine

5.049.000

Komisija za očuvanje nacionalnih spomenika

1.970.000

Agencija za antidoping kontrolu Bosne i Hercegovine

880.000

Obrazovanje **3.876.000 KM**



Agencija za razvoj visokog obrazovanja i osiguranje kvaliteta Bosne i Hercegovine

1.235.000

Agencija za predškolsko, osnovno i srednje obrazovanje Bosne i Hercegovine

1.508.000

Centar za informisanje i priznavanje dokumenata iz oblasti visokog obrazovanja u Bosni i Hercegovini

1.133.000

Socijalna zaštita **19.781.000 KM**




Ministarstvo za ljudska prava i izbjeglice Bosne i Hercegovine

19.781.000

SVEUKUPNO 2.797.273.016 KM



NAJVEĆI KORISNICI BUDŽETA INSTITUCIJA BOSNE I HERCEGOVINE




Uvidom u ukupne rashode institucija Bosne i Hercegovine, evidentno je da se na 13 budžetskih korisnika odnosi 1.158.615.000 KM, što čini 74% rashoda budžeta institucija Bosne i Hercegovine (bez izdvajanja sredstava za finansiranje vanjskog duga).

Tabela iz priloga najveći korisnici.

Iz navedenog se može jasno vidjeti da se najviše sredstava iz Budžeta institucija Bosne i Hercegovine izdvaja za sektor odbrane te javnog reda i sigurnosti.


U narednom dijelu ćemo predstaviti rashode četiri institucije Bosne i Hercegovine: Državna regulatorna agencija za radijacijsku i nuklearnu sigurnost Bosne i Hercegovine, Arhiv Bosne i Hercegovine, Institut za akreditiranje Bosne i Hercegovine i Agencija za zaštitu ličnih podataka Bosne i Hercegovine.

Prilog tabela struktura primanja zaposlenih.



74%

**13 najvećih
budžetskih korisnika**



26%

Ostali


NAZIV BUDŽETSKOG KORISNIKA

BUDŽET ZA 2025. GODINU

01 Ministarstvo odbrane Bosne i Hercegovine	402.369.000
02 Uprava za indirektno oporezivanje Bosne i Hercegovine	161.992.000
03 Centralna izborna komisija Bosne i Hercegovine	123.905.000
04 Granična policija Bosne i Hercegovine	116.562.000
05 Ministarstvo vanjskih poslova Bosne i Hercegovine	68.870.000
06 Obavještajno sigurnosna agencija Bosne i Hercegovine	56.911.000
07 Direkcija za koordinaciju policijskih tijela Bosne i Hercegovine	49.785.000
08 Državna agencija za istrage i zaštitu	43.591.000
09 Agencija za identifikacijske dokumente, evidenciju i razmjenu podataka Bosne i Hercegovine	34.975.000
10 Služba za zajedniče poslove inatitucija Bosne i Hercegovine	26.687.000
11 Parlamentarna skupština Bosne i Hercegovine	25.400.000
12 Sud Bosne i Hercegovine	25.180.000
13 Tužilaštvo Bosne i Hercegovine	22.388.000
UKUPNO	1.158.615.000




01



02




03



04



05



06



07



08



09



10



11



12



13

UDIO PLAĆA I NAKNADA ZA ZAPOSLENE KOD NAJVEĆIH BUDŽETSKIH KORISNIKA

Jednako kako smo govorili u dijelu s ukupnim rashodima, u okviru ovih 12 institucija najviše se budžetskih sredstava izdvaja za plaće i naknade, imajući u vidu veliki broj zaposlenih osoba u navedenim institucijama.

Ostali rashodi u okviru navedenih institucija odnose se na izdatke u vezi s potrebama za njihovo nesmetano funkcioniranje, uključujući i po nekoliko kapitalnih projekata, što će biti detaljnije predstavljeno u dijelu koji se odnosi na pojedine institucije.

Ministarstvo odbrane
402.369.000 KM



BROJ ZAPOSLENIH **10.013**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **44%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA PLAĆA
BUDŽETSKIH KORISNIKA **35%**

BRUTO PLAĆE I NAKNADE
TROŠKOVA ZAPOSLENIH
359.723.000 KM

89,40%

Policijske agencije
266.849.000 KM



BROJ ZAPOSLENIH **4.756**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **21%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA PLAĆA
BUDŽETSKIH KORISNIKA **21%**

BRUTO PLAĆE I NAKNADE
TROŠKOVA ZAPOSLENIH
219.601.000 KM

82,29%

Uprava za
indirektno oporezivanje

161.992.000 KM



BROJ ZAPOSLENIH **2.691**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **12%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA PLAĆA
BUDŽETSKIH KORISNIKA **11%**

BRUTO PLAĆE I NAKNADE
TROŠKOVA ZAPOSLENIH
111.865.000 KM

69,06%

Pravosudne institucije

70.633.000 KM



BROJ ZAPOSLENIH **729**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **3%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA PLAĆA
BUDŽETSKIH KORISNIKA **6%**

BRUTO PLAĆE I NAKNADE
TROŠKOVA ZAPOSLENIH
58.176.000 KM

82,36%

Ministarstva
osim
Ministarstva odbrane

178.722.000 KM

BROJ ZAPOSLENIH **1.716**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **8%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA PLAĆA
BUDŽETSKIH KORISNIKA **10%**

BRUTO PLAĆE I NAKNADE
TROŠKOVA ZAPOSLENIH
104.530.000

58,49%

Ostale institucije

406.969.000 KM

BROJ ZAPOSLENIH **2.826**

UČEŠĆE U UKUPNOM BROJU ZAPOSLENIH
BUDŽETSKIH KORISNIKA **12%**

UČEŠĆE BRUTO PLAĆA I NAKNADA TROŠKOVA
ZAPOSLENIH U UKUPNIM TROŠKOVIMA PLAĆA
BUDŽETSKIH KORISNIKA **18%**

BRUTO PLAĆE I NAKNADE
TROŠKOVA ZAPOSLENIH
182.635.000 KM

**44,88
%**



DRŽAVNA REGULATORNA AGENCIJA ZA RADIJACIJSKU I NUKLEARNU SIGURNOST **(DRARNS)**

O DRŽAVNOJ REGULATORNOJ AGENCIJI ZA RADIJACIJSKU I NUKLEARNU SIGURNOST

Regulatorno tijelo za radijacijsku i nuklearnu sigurnost u svojstvu samostalne upravne organizacije, nezavisno od drugih vladinih i nevladinih agencija i pravnih lica uključenih u promovisanje radijacijskih tehnologija, formirano radi obavljanja upravnih i stručnih poslova u oblasti jonizirajućeg zračenja definisanih Zakonom o radijacijskoj i nuklearnoj sigurnosti u Bosni i Hercegovini („Službeni glasnik BiH“ broj 88/07) i podzakonskim aktima. Sjedište u Sarajevu sa dvije regionalne kancelarije u Banja Luci i Mostaru. Sastoji se od kabineta direktora, inspektorata, sektora za autorizaciju i sektora za pravne, kadrovske, opšte i finansijske poslove.

Upravne poslove DRARNS obavlja po zahtjevu stranke odnosno po službenoj dužnosti.

Funkcije i nadležnosti DRARNS definisane su članom 8 Zakona o radijacijskoj i nuklearnoj sigurnosti u Bosni i Hercegovini („Službeni glasnik BiH“ broj 88/07).

Pravilnikom o sistematizaciji i organizaciji DRARNS iz 2009. godine definisano je da ima 34 uposlana, međutim od svog osnivanja nije prelazila 52% popunjenosti.

TREKUTNO ZAPOSLENIH: 19

Ciljevi koji će se ostvarivati u okviru budžeta za 2025. godinu

Opći cilj/načela razvoja	ODRŽIV RAST
Strateški cilj	1 POBOLJŠANJE UPRAVLJANJA OKOLIŠA I RAZVOJ OKOLINSKE INFRASTRUKTURE, U POVEĆANJU OTPORNOSTI NA KLIMATSKE PROMJENE
Srednjoročni cilj	1.1 RAZVOJ REGULATORNOG OKVIRA I PROVOĐENJE AKTIVNOSTI U SKLADU SA EU ACQUIS I MEĐUNARODNIM OBAVEZAMA IZ OBLASTI RADIJACIJSKE I NUKLEARNE SIGURNOSTI

Programske aktivnosti

551.000,00 KM
 Pravni, opšti, kadrovski i finansijski poslovi, priprema i izdavanje podzakonskih akata, informisanje javnosti kroz medije i štampanje edukativnog materijala


390.000,00 KM
 Priprema i izdavanje akata u procesu registracije, notifikacije, licenciranja i inspeksijskog nadzora, priprema izvještaja o stanju radijacijske i nuklearne sigurnosti u BiH, provođenje treninga profesionalno izloženih lica jonizirajućem zračenju

76.000,00 KM
 Priprema sporazuma i izvještaja po međunarodnim sporazumima, priprema izvještaja po konvencijama

75.000,00 KM
 Implementacija Državnog akcionog plana o hitnim slučajevima zaštite stanovništva od jonizirajućeg zračenja u slučaju vanrednog događaja, nuklearnog udesa ili nastanka nuklearne štete


240.000,00 KM
 Priprema, apliciranje i implementacija državnih, regionalnih i interregionalnih projekata IAEA, projekata EU i drugih projekata iz oblasti radijacijske i nuklearne sigurnosti

Budžet za 2025. godinu
1.460.000,00 KM



128.000,00 KM
 Monitoring okoliša radioaktivnosti sa informisanjem javnosti o rezultatima istog

Raspodjela budžeta za 2025. godinu po budžetskim stavkama





Arhiv Bosne i Hercegovine

Arhiv BiH je samostalna organizacija koja svoju djelatnost, utvrđenu Zakonom o arhivskoj građi i Arhivu BiH, obavlja na cijeloj teritoriji Bosne i Hercegovine.

Osnovne nadležnosti Arhiva BiH, u smislu pomenutog zakona su:

- a) provođenje mjera zaštite arhivske građe u arhivu i briga za njenu sigurnost;
- b) sređivanje, obrada i objavljivanje arhivske građe;
- c) obavljanje stručnog nadzora nad čuvanjem i odabiranjem arhivske građe koja se nalazi izvan arhiva i određivanje mjera njene zaštite;
- d) provođenje neposrednog nadzora nad radom i drugih imalaca arhivske građe izvan sastava arhiva;
- e) preuzimanje javne arhivske građe;
- f) prikupljanje privatne arhivske građe otkupom, poklonom ili odlaganjem;
- g) obavljanje sigurnosnog i zaštitnog snimanja arhivske građe;
- h) davanje podataka, izvoda iz dokumenata i ovjerenih prijepisa na zahtjev korisnika;
- i) izrada i objavljivanje obavještajnih pomagala;
- j) educiranje stručnog arhivskog osoblja;
- k) saradnja sa drugim ustanovama kulture, naučnim i srodnim ustanovama dokumentacijske i informacijske službe;
- l) obavljanje i drugih poslova na području arhivske i drugih pomoćnih historijskih i informacijskih znanosti;
- lj) objavljivanje građe i izdavanje stručnih i drugih publikacija, naučnih studija, organizovanje naučnih i drugih skupova i izložbi;
- m) izdavanje uvjerenja i drugih isprava u dokazne svrhe u skladu sa Zakonom o upravnom postupku;
- n) vođenje propisane evidencije o imaocima arhivske građe.

Plan za 2025. godinu će se realizovati kroz **Program zaštite i obrade arhivske i bibliotečke građe, uz osnovnu aktivnost: Upravljanje, nadzor, zaštita i obrada arhivske i bibliotečke građe.**

Vizija Arhiva BiH je: osigurati profesionalnu, depolitiziranu i učinkovitu državnu službu sposobnu da pruži kvalitetne i pravovremene usluge građanima i institucijama Bosne i Hercegovine.


Misija Arhiva BiH je: preventivna zaštita registraturne građe kod stvaralaca odnosno imaoca, zaštita i obrada arhivske građe u Arhivu, kao i izrada informacijskih pomagala radi korištenja u svrhu znanstvenih istraživanja, kulturno-obrazovnih aktivnosti i ostvarivanja prava građana, kao i nadzor nad registraturama. Dakle, pod misijom se podrazumijeva evidentiranje, prikupljanje, čuvanje, zaštita, sređivanje, obrada, istraživanje, publiciranje arhivske građe i osiguravanje dostupnosti i unapređivanje korištenja i promicanje javne službene dokumentacije i informacija BiH, pružanje pomoći u pretraživanju i pronalaženju službene dokumentacije i dokumentacije od interesa tijelima javne vlasti i ostalim korisnicima, preuzimanje, primjena i izgradnja normi i preporuka nužnih za izgradnju jedinstvenog sistema poslovanja arhivskom dokumentacijom tijela državne uprave, te sudjelovanje u obrazovanju državnih službenika.

Strateški cilj: Osigurati održiv i pametan ekonomski razvoj.

Srednjoročni cilj: Poboljšanje tehničke zaštite i dostupnosti arhivske i bibliotečke građe institucija BiH i drugih institucija u skladu sa Zakonom.

Specifični cilj: Unapređenje sistema obrade, pristupa, zaštite i prezentacije arhivske i bibliotečke građe.

Budžet za 2025. godinu 1.049.000,00 KM



Finansijski zahtjev za 2025. godinu	1.049.000,00	100,00 %
Bruto plaće i naknade	801.000	76,36 %
Naknade troškova zaposlenih	115.000	10,96 %
Materijalni troškovi	123.000	11,73 %
Kapitalna ulaganja	10.000	0,95 %

Arhiv BiH se suočava sa izazovima u pogledu tehnološke infrastrukture potrebne za digitalizaciju, skladištenje i pristup digitalnim zapisima. Nedovoljni resursi, zastarjeli sistemi i ograničena stručnost u digitalnom očuvanju ometaju napredak ka robusnom digitalnom arhivu.

Za rješavanje navedenih problema sa kojima se susreće Arhiv BiH neophodna su finansijska sredstva, jer bez preduzimanja neophodnih koraka u narednom periodu može doći do dodatnog oštećenja i propadanja arhivske građe, što bi dovelo do nemjerljive štete za Arhiv BiH i cijelu Bosnu i Hercegovinu.

Program: Zaštita i obrada arhivske i bibliotekarske građe

POKAZATELJI ISHODA/IZLAZNOG REZULTATA	Jedinica mjere	Planirana vrijednost za 2025. godinu
Broj izdanih akata/rješenja/saglasnosti/instrukcija i izvršenih promotivnih aktivnosti	broj	803
Nivo sređenosti fondova, spremištog prostora, pretraživosti fondova i tehničke zaštite arhivske građe	%	71

Programska aktivnost: Upravljanje, nadzor, zaštita i obrada arhivske i bibliotečke građe

POKAZATELJI ISHODA/IZLAZNOG REZULTATA	Jedinica mjere	Planirana vrijednost za 2025. godinu
Broj izdanih akata/rješenja/saglasnosti/instrukcija	broj	555
Broj izvršenih stručnih nadzora	broj	240
Broj izvršenih promotivnih aktivnosti	broj	8
Broj tehnički obrađene i ustupljene građe (digitalizacija, mikrofilmovanje, restauracija, sukcesija)	broj	82.660
Nivo sređenosti fondova i spremištog prostora	%	71



Agencija za zaštitu ličnih podataka u Bosni i Hercegovini

Agencija za zaštitu ličnih podataka u BiH je samostalna upravna organizacija čija nadležnost i djelokrug poslova su propisani Zakonom o zaštiti ličnih podataka („Službeni glasnik BiH“ broj: 49/06, 76/11 i 89/11), sa 27 zaposlenih, od ukupno 45 sistematizovanih Pravilnikom o unutrašnjoj organizaciji Agencije.

Ciljevi Agencije:

Strateški cilj 1: Transparentan, efikasan i odgovoran javni sektor

Prioritet 1.2: Ojačati vladavinu prava, sigurnost i osnovna prava.

Srednjoročni cilj: Unapređenje prava na privatnost u pogledu zaštite ličnih podataka.

Specifični cilj: Efikasna primjena propisa o zaštiti ličnih podataka, usklađivanje domaćih propisa sa međunarodnim propisima i podignut nivo svijesti građana u pogledu prava na zaštitu ličnih podataka.

Program: Zaštita ljudskih prava i osnovnih sloboda fizičkih lica u pogledu prava na zaštitu ličnih podataka.

Poslovi iz nadležnosti Agencije su:


Nadgledanje provođenja odredbi ovog Zakona i drugih zakona o obradi ličnih podataka, postupanje po podnesenim prigovorima nosioca podataka, podnošenje Parlamentarnoj skupštini BiH godišnjeg izvještaja o zaštiti ličnih podataka, davanje prijedloga za usvajanje ili izmjenu zakona koji se odnose na obradu ličnih podataka te davanje mišljenja o prijedlozima tih zakona i briga o ispunjavanju kriterija zaštite podataka koji proističu iz međunarodnih sporazuma obavezujućih za BiH.

Pregled planiranih prihoda Agencije:

2024 g. (polazna vrijednost)	2025 g. (planirana vrijednost)
20.000 KM	20.000 KM

Agencija ima vlastite nenamjenske prihode koje evidentira na stavkama – novčane kazne prema Zakonu o zaštiti ličnih podataka, a ostvaruje ih po osnovu izdatih prekršajnih naloga od strane inspektora Agencije i podnošenjem zahtjeva za pokretanje prekršajnog postupka protiv kontrolora.

RASHODI I IZDACI U BUDŽETU ZA 2025. GODINU



UKUPAN BUDŽET ZA 2025. godinu	1.929.000	100,00 %
Bruto plaće i naknade za 33 zaposlenih Agencije	1.505.000	78,00 %
Naknade troškova zaposlenih i skupštinskih zastupnika	192.000	10,00 %
Materijalni troškovi	149.000	8,00 %
Kapitalna ulaganja	83.000	4,00 %

POKAZATELJI PROGRAMA I PROGRAMSKIH AKTIVNOSTI

R/B	NAZIV PROGRAMA /PROGRAMSKE AKTIVNOSTI	POKAZATELJ ISHODA/ IZLAZNOG REZULTATA	VRIJEDNOST
1.	Zaštita ljudskih prava i osnovnih sloboda fizičkih lica u pogledu prava na zaštitu ličnih podataka.	Odnos broja rješenja kojima su naložene upravne mjere zbog kršenja Zakona o zaštiti ličnih podataka i ukupnog broja provedenih postupaka	58%
		Unaprjeđenje međunarodnih standarda zaštite podataka u BiH i informisanost javnosti	50%
1.1.	Nadzorne aktivnosti i jačanje svijesti o značaju zaštite ličnih podataka, međunarodna saradnja i odnosi sa javnošću	Broj izvršenih kontrolnih aktivnosti	455
		Broj izvršenih aktivnosti na jačanju svijesti o značaju zaštite ličnih podataka	160
		Broj učešća i aktivne saradnje u različitim međunarodnim aktivnostima i obraćanja javnosti	920

<i>Osnovne aktivnosti po definisanim programima</i>		<i>Broj aktivnosti</i>
Ukupan broj provedenih postupaka po prigovorima (svi prigovori završeni u naznačenoj godini, bez obzira kada je prigovor podnesen)		200
Ukupan broj rješenja po prigovorima (sva rješenja po prigovorima završena u naznačenoj godini, bez obzira kada je prigovor podnesen)		180
Ukupan broj rješenja po prigovorima kojima su naložene upravne mjere		85
Ukupan broj izvršenih inspeksijskih nadzora		90
Ukupan broj provedenih postupaka po inspekcijama		80
Ukupan broj rješenja po inspekcijama kojima su naložene upravne mjere		70
Ukupan broj provedenih postupaka po službenoj dužnosti		90
Ukupan broj rješenja po službenoj dužnosti		70
Ukupan broj rješenja po službenoj dužnosti kojima su naložene upravne mjere		60
Ukupan broj provedenih postupaka po prigovorima (svi prigovori završeni u naznačenoj godini, bez obzira kada je prigovor podnesen)		200
<i>Broj rješenja kojima su naložene upravne mjere zbog kršenja Zakona o zaštiti ličnih podataka (po prigovorima, inspekcijama i sl. dužnosti)</i>		215
Ukupan broj izdatih prekršajnih naloga		15
Ukupan broj izdatih mišljenja		150
Ukupan broj registrovanih kontrolora u Glavni registar		90
Ukupan broj održanih obuka		10
Broj praćenih međunarodnih aktivnosti (konferencija, radionica, obuka, sastanaka, radnih grupa i sl.) i ostalih aktivnosti sa institucijama unutar BiH		30
Broj datih stručnih mišljenja i odgovora		30
Broj stranica prevedene dokumentacije		200
Broj objavljenih stranica različitih informacija na Web stranici Agencije administriranjem od strane Web redakcije (prikupljanje, obrada, lektorisanje, usklađivanje jezičkih verzija službenih jezika u BiH, prevođenje na engleski jezik)		630
Broj različitih obraćanja medijima, odgovora na upite medija, priopćenja za javnost, press konferencija, te ostalih promotivnih aktivnosti		30



Institut za akreditiranje Bosne i Hercegovine je samostalna upravna organizacija ovlaštena da provodi Sistem akreditiranja u Bosni i Hercegovini. Rad Instituta definisan je Zakonom o osnivanju Instituta za akreditiranje Bosne i Hercegovine („Službeni glasnik BiH“, broj 10/02) i Zakonom o akreditiranju Bosne i Hercegovine („Službeni glasnik BiH“, broj 19/01).

Institut je nadležan da vrši akreditiranje tijela za ocjenjivanje usklađenosti, razvija, provodi i održava Sistem akreditiranja u Bosni i Hercegovini, provodi procedure akreditiranja i nadzora tijela za ocjenjivanje usklađenosti, zastupa Bosnu i Hercegovinu u evropskim i međunarodnim organizacijama za akreditiranje, organizuje i provodi specijalističko obrazovanje kadrova u području akreditiranja, razvija i uspostavlja informacijski sistem o dodijeljenim akreditacijama, te o dokumentima iz područja akreditiranja.

MISIJA

Uspostavljanje i održavanje kompetentnog, nepristrasnog i nezavisnog sistema akreditiranja kako bi i korisnici usluga akreditiranih tijela i potrošači u BiH imali povjerenje u usluge koje pružaju laboratoriji, certifikaciona i inspeksijska tijela. Takođe, BATA će putem uzajamnog međunarodnog priznavanja rezultata akreditiranih poslova, olakšati međunarodnu trgovinu bosanskohercegovačke privrede i pomoći joj da dostigne globalnu konkurentnost.

VIZIJA

Uspostaviti međunarodno priznato akreditaciono tijelo u BiH koje efikasno provodi postupke akreditiranja u svim oblastima čime doprinosi osiguravanju kvaliteta i sigurnosti roba i usluga korisnicima (potrošačima) u našoj zemlji i osigurati priznavanje bosanskohercegovačke akreditacije u Evropi i svijetu.

BROJ ZAPOSLENIH

21



Planirani prihodi i primici:

Prihodi od administrativnih taksi:

4.000 KM

Vlastiti prihodi budžetskih korisnika:

605.000 KM

Primici od prodaje stalnih sredstava:

4.000 KM




BUDŽET ZA 2025. GODINU: 1.791.000 KM

BRUTO PLAĆE I NAKNADE: **933.000 KM**

NAKNADE TROŠKOVA ZAPOSLENIH:
131.000 KM

IZDACI ZA MATERIJAL I USLUGE:
615.000 KM

KAPITALNI IZDACI: **112.000 KM**



MJERE UČINKA

P101 -
Broj područja
u kojima BATA
ima potpisan
sporazum
EA MLA

CILJNA VRIJEDNOST
2025.g.: 5

P201 -
Ukupan broj
akreditiranih
tijela

CILJNA VRIJEDNOST
2025.g.: 200



BUDŽETSKI RJEČNIK



Budžet - akt kojim se predviđaju svi prihodi i rashodi u jednoj godini.

Koncesija - dozvola vlasti koja se daje pravnim ili fizičkim licima za obavljanje određene djelatnosti po unaprijed utvrđenim uvjetima.

Javna politika - plan ili smjer djelovanja institucija vlasti.

Budžet za građane - pojednostavljen i ilustriran prikaz određenih dijelova zvaničnog Budžeta.

Ustav - osnovni pravni akt neke države kojim se uspostavlja politički i pravni poredak.

Budžetski korisnik - institucije i svi ostali organi koji se financiraju iz budžeta.

Dokument okvirnog budžeta (DOB) - projekcija trogodišnjih prihoda i rashoda odnosno srednjoročna projekcija budžeta.

Makroekonomija - oblast ekonomskih nauka koje se bavi ukupnom privredom neke oblasti (zemlje), proučavajući međusobne odnose ukupne (agregatne) proizvodnje, prihoda, zaposlenosti, cijena i drugih varijabli.

Nominalni BDP - predstavlja zbir količina proizvedenih finalnih dobara (roba i usluga) od strane rezidentnih jedinica u zemlji tokom određenog perioda pomnožen s njihovim tekućim cijenama.

Realni BDP - predstavlja zbir količina finalnih dobara u stalnim (umjesto tekućim) cijenama te ukazuje na količinu proizvedenih proizvoda i usluga.

Ekonomski rast - podrazumijeva ukupan porast proizvodnje, proizvodnih kapaciteta i svih drugih dijelova jedne privrede, odnosno predstavlja rast ukupnog outputa jedne privrede uslijed rasta radne snage, kapitalnih dobara te unapređenja tehnologije i produktivnosti.

Transferi od drugih nivoa vlasti - novčana sredstva koja viši ili niži nivoi vlasti doznavaaju u budžet s ciljem realizacije pojedinih programa i/ili funkcija.

Bruto domaći proizvod (BDP) - makroekonomski indikator koji pokazuje vrijednost finalnih dobara i usluga proizvedenih u zemlji tokom godine, izraženo u novčanim jedinicama.

Inflacija - predstavlja povećanje općeg nivoa cijena u odnosu na vrijednost novca.

Vladina/javna potrošnja - (Izdaci za krajnju potrošnju vlade) – Sektor vlade se sastoji od svih institucionalnih jedinica koje, uz ispunjavanje njihovih političkih obaveza i uloge ekonomskog reguliranja, u načelu proizvode netržišne usluge (moguće i robe) za individualnu ili kolektivnu potrošnju te redistribuiraju dohodak i bogatstvo. Izdaci za krajnju potrošnju vlade uključuju dvije kategorije izdataka:

- Netržišni output; osim investicija za vlastiti račun; koji se mjeri troškovima proizvodnje, umanjen za povremenu prodaju
- Vladine nabavke roba i usluga od tržišnih proizvođača, koje se bez bilo kakvog transformiranja plasiraju domaćinstvima, kao socijalni transfer u „naturi“.

COFOG klasifikacija - Klasifikaciju vladinih funkcija (COFOG – Classification of the Functions of the Government) objavilo je Odjeljenje za statistiku Ujedinjenih naroda i odnosi se na sredstva iz budžeta razvrstana po namjeni za koju se troše.

Stalna imovina - dio imovine koji će ostati nepromijenjen, tj. zadržati isti pojavni oblik, u vremenskom roku dužem od godinu dana i se neće utrošiti u jednom normalnom proizvodnom ciklusu (npr. zemlja, zgrade, strojevi itd.). Nabavlja se s namjerom da se koristi u vlastitom poslovanju, a ne za daljnju preprodaju.

Ime i prezime

Adresa

E-mail

Organizacija/
Institucija

Pitanja, komentare i sugestije možete napisati na poledini obrasca.

Ime i prezime

Adresa

E-mail

Organizacija/
Institucija

Pitanja, komentare i sugestije možete napisati na poledini obrasca.

PITANJA, KOMENTARI I SUGESTIJE

Poštovani, ako imate pitanje, komentar ili sugestiju u vezi s pripremom i predstavljanjem „Budžeta za građane“, možete iskoristiti pripremljene obrasce, iskinuti ih i poslati poštom na adresu:

Ministarstvo finansija i trezora Bosne i Hercegovine

(Kabinet ministra - Odnosi s javnošću),

Trg Bosne i Hercegovine 1, 71000 Sarajevo.

Pitanja, komentare i sugestije možete poslati i putem elektronske pošte:

trezorbih@mft.gov.ba.

S poštovanjem,

Ministarstvo finansija i trezora Bosne i Hercegovine





BUDŽET ZA GRAĐANE

institucija Bosne i Hercegovine
i međunarodnih obaveza Bosne i Hercegovine

